

structa attulere demum sitim ac ultimam lassitudinem. Balduinus vero, ubi tenui quoque auxilii spe præferocem hostem moras sentit inferre deditiōni, cruce in omnium oculis eminenti defixa tam vehementer demta veniæ spe exterruit, ut gratiam ejus et clementiam experiri quam vim remissa pertinacia vellet. Ergo ubi induciarum tempus exiit, salvis corporibus et quas quisque effere potuit sarcinis liberos exire permisit, arce in ecclesiæ ditionem potestatemque redacta.

Hujus tam difficilis et diuturnæ obsidionis labore Balduinus perfunctus Christi natalem ingenti cum lætitia ibidem exegit, et quo diei istius celebritatem majoris gaudii voluptate cumularet, apparatissima pompa missarum ipse solemnia peregit. Honorifico deinde opulo suis instructo Monclerii dominus comiter salutatus est. Verum arcem postea, ne qua dissensionis materia resideret, dirui ac subverti voluit, castro novo in d. Petri fundo e regione educto, cui a præterfluente Saravo Sarensteinii cognomentum indidit. Narrant majores portam hujus castri pro manubiis a Balduino in Trevir. palatium exportatum, ubi 1526 memoriæ causa adhuc asservabatur. Cæterum quia Moncleriæ gentis amplitudo et factionis ejus secta late patuit, ea tandem sub Boë-mundo archiepiscopo dissipata et ad pacis faciem revocata est. (Brower.)

Castrum verum solo cœquavit et ex opposito in S. Petri allodio fortius castrum ædificavit et Sarsteyn appellavit. (Honth.)

Schon nach wenigen Jahren (1358) fand zwischen